

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKA IZBORNA KOMISIJA**

**IZVJEŠTAJ  
O RADU OPĆINSKE IZBORNE KOMISIJE MAGLAJ ZA 2016. GODINU**

**U Maglaju, januar, 2017. godine**

**BOSNA I HERCEGOVINA  
FEDERACIJA BOSNE I HERCEGOVINE  
OPĆINA MAGLAJ  
OPĆINSKA IZBORNA KOMISIJA**

**Broj: OIK-03/17  
Maglaj, 09.01.2017. godine**

**IZVJEŠTAJ O RADU  
OPĆINSKE IZBORNE KOMISIJE MAGLAJ ZA 2016. GODINU**

**I. UVODNE NAPOMENE**

Općinska izborna komisija Maglaj (u daljem tekstu: OIK) koju čine Mustabašić Elmir (predsjednik), Hamzić – Tovarišić Tatjana (član) i Antolović Dragica (član) u navedenom sastavu obavlja svoje zakonom propisane dužnosti počev od mjeseca septembra 2011. godine.

U mjesecu maju izvještajne godine odlukom Općinskog vijeća Maglaj, imenovan je i Sekretar OIK-a za obavljanje administrativno-tehničkih poslova.

U toku 2016. godine OIK je održao je ukupno 7. redovnih sjednica na kojima se raspravljalo o poslovima i zadacima iz zakonom propisanih nadležnosti, kao i više desetina međusobnih neformalnih sastanaka, te sastanaka sa predstavnicima OSCE-a, EUFOR-a, MUP-a, nevladinih organizacija i drugim.

Na svim sjednicama OIK je radio u punom sastavu i sve odluke, rješenja i drugi akti su doneseni jednoglasno.

Naime, kao što je poznato Centralna izborna komisija BiH na sjednici održanoj 02.05.2016. godine donijela je Odluku o raspisivanju i održavanju Lokalnih izbora u BiH 2016. godine koji su se i održali u nedjelju 02.10.2016. godine, tako da je svoju aktivnost u 2016. godini, OIK i usmjerio na organiziranje, pripremu i zakonitu provedbu istih, shodno odredbama Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), kao i drugih provedbenih akata uz isti.

Odredbom člana 2.13. Izbornog zakona BiH propisane su osnovne nadležnosti općinskih izbornih komisija, kako slijedi:

1. nadgledaju rad općinskih organa u procesu pripreme i provođenja izbora, a naročito proces registracije birača;
2. imenuju i obučavaju članove biračkih odbora;
3. informišu birače o svim informacijama neophodnim za provođenje izbora;
4. odgovorne su za uređenje biračkih mjesta i druge tehničke pripreme za izbore;
5. brinu o prijemu, skladištenju, bezbjednosti i dostavi izbornog materijala (osjetljivog i neosjetljivog) biračkim odborima, kao i preuzimanju istog nakon provedenih izbora;
6. odgovorne su za pravilno brojanje glasačkih listića na biračkim mjestima;
7. objedinjuju preliminarne rezultate izbora sa svih biračkih mjesta u Općini i dostavljaju Centralnoj izbornoj komisiji BiH;
8. akreditiraju posmatrače koji će posmatrati njen rad, rad Centra za registraciju birača i biračkih odbora;

9. rješavaju prigovore koji su u njenoj nadležnosti;
10. vrše i druge poslove u skladu sa zakonima i podzakonskim aktima;

## II. AKTIVNOSTI OIK-a

### 1. Centar za birački spisak

Odredbama Pravilnika o vođenju i upotrebi Centralnog biračkog spiska („Službeni glasnik BiH“, broj: 32/16) propisano je da nadležni organ (općina) uspostavlja Centar za birački spisak, te da je navedeni nadležni organ i odgovoran za rad Centra, dok općinske izborne komisije imaju pravo da vrše kontrolu rada Centra.

Kao što je ranije već isticano Odlukom Općinskog načelnika iz mjeseca marta 2012. godine uspostavljen je Centar za birački spisak na području općine Maglaj, te su opredjeljena dva djelatnika iz općinske administracije da pored svojih redovnih obavljaju i poslove iz nadležnosti Centra, kako slijedi:

- a) pružaju tehničku pomoć izornoj komisiji osnovne izborne jedinice u određivanju biračkih mjesta na teritoriji osnovne izborne jedinice i raspoređivanju birača po biračkim mjestima, ažuriraju podatke o biračkim mjestima i promjenama biračke opcije u skladu sa aktima Centralne izborne komisije BiH, vode evidenciju o svim naseljenim mjestima i nazivima svih ulica na teritoriji svoje općine i o svim promjenama obavještavaju izbornu komisiju osnovne izborne jedinice,
- b) primaju zahtjeve raseljenih lica za određivanje ili promjenu biračke opcije i putem odgovarajućeg programa vrše obradu zahtjeva,
- c) primaju zahtjeve za promjenu biračke opcije lica upisanih u izvod iz Centralnog biračkog spiska za glasanje izvan BiH, a radi se o licima koja su se vratila u zemlju prije roka utvrđenog za zaključenje izvoda iz Centralnog biračkog spiska,
- d) učestvuju u realizaciji izlaganja izvoda iz privremenog Centralnog biračkog spiska,
- e) osiguravaju uvid u izvod iz Centralnog biračkog spiska na teritoriji svoje osnovne izborne jedinice,
- f) osiguravaju i druge podatke za Centralni birački spisak koji su utvrđeni aktima Centralne izborne komisije BiH,
- g) pružaju tehničku pomoć izornoj komisiji osnovne izborne jedinice u vezi sa zahtjevima i prigovorima birača koji se odnose na izvod iz Centralnog biračkog spiska,
- h) pružaju tehničku pomoć izornoj komisiji osnovne izborne jedinice prilikom imenovanja biračkih odbora (pomoć pri žrijebanju, kod izrade akata o imenovanju, obuke biračkih odbora i sl.),
- i) pružaju tehničku pomoć izornoj komisiji osnovne izborne jedinice prilikom provjere i pripreme biračkih mjesta za izbore,
- j) pružaju tehničku pomoć izornoj komisiji osnovne izborne jedinice u kampanji obavještavanja birača o svim segmentima u vezi s izbornim procesom,
- k) pružaju tehničku pomoć izornoj komisiji osnovne izborne jedinice prilikom objedinjavanja izbornih rezultata na nivou osnovne izborne jedinice, a Centralnoj izornoj komisiji BiH obavezni su dostaviti rezultate sa svih redovnih biračkih mjesta u elektronskoj verziji, urađenoj u računarskom programu dobijenom od Centralne izborne komisije BiH, za sve nivoe i sve kategorije (po političkim subjektima i kandidatima unutar političkih subjekata)
- l) druge poslove koje im odredi Centralna izborna komisija BiH i izborna komisija osnovne izborne jedinice.

U vezi sa prednje navedenim nadležnostima i poslovima, OIK konstatuje odnosno izvještava da su isti od strane djelatnika Centra za birački spisak obavljani na zadovoljavajući način u skladu sa zakonskim propisima koliko su to uslovi za rad omogućavali, uz napomenu da

Centar za birački spisak tokom izbornog perioda 2016. godine, usljed odsustva zbog bolesti jednog djelatnika, navedene poslove i zadatke nije obavljao u punom sastavu, a što je nadomješteno dodatnim angažmanom, kako predsjednika i članova, tako i sekretara OIK-a, s ciljem da se izborni proces održi i provede na zakonit način.

## **2. Određivanje biračkih mjesta i njihovih lokacija**

OIK je u zakonom određenom roku odredio ukupno 31 redovno biračko mjesto, jedno biračko mjesto za glasanje u odsustvu, jedno biračko mjesto za glasanje na tzv. nepotvrđenim glasačkim listićima, te jedan Mobilni tim.

Biračko mjesto za glasanje u odsustvu i biračko mjesto za glasanje na tzv. nepotvrđenim glasačkim listićima je u skladu sa zakonskim propisima pridruženo redovnom biračkom mjestu 042A004.

U odnosu na prethodne izbore, može se primijetiti da je smanjen broj redovnih biračkih mjesta, tako da umjesto dosadašnjih 32, određeno je 31, a to što su iz tehničkih razloga i nemogućnosti softverske aplikacije na području Kosove umjesto 3 formirana 2 biračka mjesta,

Sva biračka mjesta su određena shodno Izbornom zakonu BiH, odnosno odredbama Uputstva o vrstama, načinu i rokovima za određivanje biračkih mjesta („Službeni glasnik BiH“, broj: 37/14) i ista su se nalazila na prikladnim mjestima gdje se može korektno obaviti proces glasanja i prebrojavanja glasačkih listića.

Lokacije biračkih mjesta su uglavnom bile u objektima mjesnih zajednica, škola, drugih javnih ustanova, te je jedan određen manji broj bio u privatnim prostorima, a to iz razloga nemogućnosti pronalaska adekvatnih objekata na lokacijama za određena područja.

Podaci o lokacijama biračkih mjesta su putem medija objavljeni u zakonom određenom roku i na zakonom određen način.

## **3. Imenovanje i obuka članova biračkih odbora**

Krajem mjeseca avgusta 2016. godine OIK je svojom Odlukom imenovao predsjednike, zamjenike predsjednika, članove i zamjenike članova biračkih odbora za sva biračka mjesta i Mobilni tim, shodno odredbama Izbornog zakona BiH i Uputstva o utvrđivanju kvalifikacija i postupku imenovanja biračkih odbora („Službeni glasnik BiH“, broj: 32/16).

Naime, početkom mjeseca avgusta 2016. godine OIK je blagovremeno uputio poziv svim ovjerenim političkim subjektima (ukupno 8) da sudjeluju u postupku dodjele mjesta za imenovanje članova biračkih odbora.

U prostorijama Općine Maglaj, uz prisustvo predstavnika političkih subjekata ovjerenih za osnovnu izbornu jedinicu Maglaj, postupak dodjele mjesta u biračkim odborima, dana 03.08.2016. godine obavljen je od strane OIK sa prethodno objašnjenom procedurom dodjele mjesta u biračkim odborima

Odmah nakon dodjele mjesta OIK je uputio poziv svim političkim subjektima ovjerenim za izbornu jedinicu 042A Maglaj da blagovremeno dostave listu prijedloga kandidata za članove biračkih odbora, uz napomenu da se striktno pridržavaju odredaba Izbornog zakona BiH i Uputstva, odnosno uslova koje kandidat mora ispunjavati da bi bio angažovan za rad u

biračkom odbori tj odgovarajući stepen školske spreme, da je lice kandidat za člana biračkog odbora s pravom glasa upisan za to biračko mjesto, i dr.

Dana 22.08.2016.godine OIK je održao sjednicu na kojoj je donesena Odluka o imenovanju članova biračkih odbora, a na koju Odluku nije bilo izjavljenih prigovora od strane političkih subjekata.

Tokom mjeseca septembra 2016. godine obuku članova biračkih odbora u skladu sa svojim Planom i programom obuke članova biračkih odbora za Lokalne izbore 2016. godine, OIK je vršio u više termina i to u prostorijama Doma kulture „Edhem Mulabdić“ u Maglaju. Nakon obuke članovi biračkih odbora su pristupili pismenom provjeravanju znanja koje se održalo na istoj lokaciji. OIK će u narednom periodu razmotriti mogućnost održavanja obuke i testiranja i na drugim adekvatnim lokacijama na području osnovne izborne jedinice 042A Maglaj, a sve tu u cilju smanjenja troškova dolaska na obuku i testiranje članova biračkih odbora.

Određen broj kandidata za članove biračkih odbora nije želio ili nije mogao da pristupi obuci i pismenoj provjeri znanja, odnosno jednostavno je samoinicijativno odustao od rada u biračkom odboru, te je OIK, shodno zakonskim propisima, iz svojih evidencija kooptirao druge članove u biračke odbore.

Takođe, OIK je iz svoje evidencije izvršio popunu biračkih odbora na mjestima i u slučajevima gdje politički subjekti nisu dostavili svoje prijedloge kandidata.

Dalje, u okviru Programa predizborne pomoći za Lokalne izbore u BiH 2016. godine finansiranog od strane Vijeća Evrope, OIK je, po nalogu Centralne izborne komisije BiH proveo javnu proceduru izbora trenera za obuku predsjednika i njihovih zamjenika na području osnovne izborne jedinice 042A Maglaj, te je konačna odluka o utvrđivanju rang liste i izboru trenera donesena krajem mjeseca juna 2016. godine, a koji trener je, nakon certificiranja istog, u mjesecu septembru 2016. godine po programu Centralne izborne komisije BiH navedenu obuku i testiranje predsjednika i njihovih zamjenika uspješno proveo, o čemu je i dostavljen pismeni izvještaj Centralnoj izbornoj komisiji BiH

Iako su Lokalni izbori u BiH 2016. godine u osnovnoj izbornoj jedinici 042A Maglaj generalno gledajući na zadovoljavajući način provedeni, OIK ponovo kao i prethodnih godina ističe da ne može biti u potpunosti zadovoljan sa radom svih članova biračkih odbora, što je na koncu i rezultiralo ponovnim brojanjem glasačkih listića na ukupno 5 biračkih mjesta.

Dalje, OIK konstatuje da je u periodu nakon donošenja odluke o imenovanju biračkih odbora značajan broj imenovanih lica neopravdano odustao od svog rada u biračkom odboru, te da bi politički subjekti na području osnovne izborne jedinice 042A Maglaj u budućem periodu morali povesti više računa da za rad u biračkim odborima predlažu lica koja će krajnje odgovorno pristupiti dužnosti i obavezama koje proizilaze iz samog članstva u biračkim odborima.

Tokom mjeseca novembra 2016. godine OIK je proveo sve pripremne aktivnosti po pitanju isplate naknada za rad u biračkim odborima, te odgovarajuću dokumentaciju dostavio Općinskom načelniku i nadležnoj općinskoj službi.

#### **4. Dostava izbornog materijala u sjedište OIK-a**

Shodno odredbama Pravilnika o načinu provođenja izbora u BiH („Službeni glasnik BiH“, broj: 32/16 i 43/16) tokom mjeseca septembra 2016. godine Centralna izborna komisija BiH organizovala je blagovremenu dostavu osjetljivog i neosjetljivog izbornog materijala do

sjedišta OIK-a, a zatim je OIK pregledao i propisno čuvao taj materijal u prostorijama Općine Maglaj koje su osigurane alarmnim sistemom, te dan uoči izbora isti dostavio biračkim odborima.

Birački odbori su pravilno shodno odredbama navedenog Pravilnika koristili izborni materijal, te nakon procesa glasanja i prebrojavanja glasačkih listića isti prema šemi pakovanja dostavili OIK-u, a ovaj Centralnoj izbornoj komisiji BiH.

Tokom ovih aktivnosti, kao i ranijih godina ostvarena je puna suradnja sa Policijskom stanicom Maglaj na operativnoj i fizičkoj zaštiti osjetljivog i neosjetljivog izbornog materijala od momenta dolaska u sjedište OIK-a, odnosno zgrade Općine Maglaj, pa do povratka materijala u Sarajevo.

Možemo reći da je distribucija izbornog materijala do sjedišta OIK-a, kao i do biračkih mjesta, odnosno povratak ovog materijala, nakon završetka procesa glasanja i prebrojavanja glasačkih listića kao i prethodnih godina provedena na zadovoljavajući način, bez bilo kakvih većih problema.

## **5. Akreditovanje posmatrača**

Shodno odredbama Uputstva o uslovima i procedurama za akreditiranje izbornih posmatrača u BiH („Službeni glasnik BiH“, broj: 37/14), OIK je u okviru svojih nadležnosti akreditovao sve posmatrače političkih subjekata koji su blagovremeno podnijeli zahtjev za akreditaciju i ispunjavali uslove za akreditiranje, ukupno njih 213, te je blagovremeno dostavio akreditacije svim političkim subjektima.

Pored naprijed navedenog, OIK je svim biračkim odborima pripremio spiskove akreditovanih posmatrača i dostavila prilikom predaje izbornog materijala biračkim odborima.

Takođe, smatramo bitnim istaknuti da su tokom izbornog procesa rad, kako biračkih odbora, tako i OIK-a, pratili i akreditirani međunarodni posmatrači, kao i posmatrači udruženja, koji su akreditovani od strane Centralne izborne komisije BiH.

## **6. Proces glasanja i prebrojavanja glasačkih listića**

Sva biračka mjesta su bila uređena i vrlo dobro pripremljena za proces glasanja. Svi birački odbori su na vrijeme u 07,00 sati otvorili i u 19,00 sati zatvorili sva biračka mjesta, kao i mobilni tim koji je u skladu sa Planom obilaska birača koji glasaju putem mobilnog tima krenuli na vrijeme iz općine Maglaj prema Planu rada mobilnih timova.

Proces prebrojavanja glasačkih listića odvijao se shodno odredbama Izbornog zakona BiH, Pravilnika o provođenju izbora u BiH, kao i drugim podzakonskim aktima uz isti donesenim od strane Centralne izborne komisije BiH.

Na svim redovnim biračkim mjestima proces glasanja i prebrojavanja glasačkih listića posmatrali su akreditovani posmatrači političkih subjekata, te međunarodni posmatrači i posmatrači udruženja, koji su pored rada biračkih odbora neposredno pratili i rad OIK-a i Centra za birački spisak.

## **7. Unos i dostava izbornih rezultata**

Kao i prethodnih godina na dan izbora na unosu podataka je pored djelatnika Centra za birački spisak, radilo više osoba, angažovanih iz općinske administracije.

Shodno planu dostave rezultata Centralnoj izbornoj komisiji BiH, OIK je tokom izbornog dana istoj podatke dobijene od strane biračkih odbora prosljeđivao putem aplikacije u elektronskoj verziji, a na način kako je to i propisano odredbama Instrukcije o načinu unosa, obrade i kontrole izbornih rezultata za Lokalne izbore 2016. godine („Službeni glasnik BiH“, broj: 74/16).

Prijem izbornog materijala, odnosno unos podataka trajao je do 07,00 sati 03.10.2016. godine.

Kako su na ukupno 5 biračkih mjesta od strane OIK-a, odnosno Centralne izborne komisije BiH utvrđene određene nepravilnosti, koje su uglavnom bile tehničke prirode, to je, uz saglasnost Centralne izborne komisije BiH, u zgradi Općine Maglaj dana 05.10.2016. godine naknadno provedeno otvaranje vreća i ponovno brojanje i objedinjavanje izbornih rezultata za predmetna biračka mjesta, a kojem su, pored članova biračkih odbora, prisustvovali i akreditovani posmatrači političkih subjekata.

Po okončanju procedure pravilnog objedinjavanja izbornih rezultata OIK je dostavio pravilno objedinjene podatke Centralnoj izbornoj komisiji BiH.

## **8. Dostava izbornog materijala u sjedište Centralne izborne komisije BiH**

Kao što smo već naveli nakon prebrojavanja glasačkih listića na biračkim mjestima, birački odbori su pakirali glasačke listiće i ostali izborni materijal prema utvrđenoj proceduri, šemi i instrukciji Centralne izborne komisije BiH, te dostavili u sjedište OIK-a, a zatim je Centralna izborna komisija BiH u saradnji sa OIK-om, prema Planu predaje izbornog materijala, organizirala otpremu izbornog materijala (osjetljivog i neosjetljivog) u Sarajevo, a koja otprema izbornog materijala je protekla u najboljem redu.

## **9. Prigovori i žalbe**

Od strane političkih subjekata ovjerenih za učešće na Lokalnim izborima u BiH 2016. godine u osnovnoj izbornoj jedinici 042A Maglaj podnesena, odnosno u OIK su zaprimljena ukupno 3 prigovora.

OIK je svojim podnescima u sva 3 slučaja obavijestio podnosioca prigovora da isti nisu sačinjeni shodno odredbama Uputstva o procedurama za rješavanje po prigovorima i žalbama podnesenim Centralnoj izbornoj komisiji BiH i Izbornim komisijama („Službeni glasnik BiH“, broj: 37/14), te ga pozvao da u roku od 24,00 sata dostavi uredan prigovor na način propisan odredbama navedenog Uputstva i relevantne dokaze kojima dovoljno potkrepljuju svoje tvrdnje, što je samo djelimično u nedovoljnoj mjeri učinjeno od strane istog, pa je OIK shodno zakonskim propisima odbacio iste, ostavljajući rok od 48,00 sati za žalbu Centralnoj izbornoj komisiji BiH. Žalbe nisu podnesene, pa su navedene odluke OIK-a postale pravosnažne.

Takođe, OIK je zaprimio i jedan prigovor-podnesak koji je imao zahtjev za ponovno brojanje na biračkom mjestu, te s obzirom da navedena povreda zakona, ne spada u nadležnost općinskih izbornih komisija, to je isti prosljeđen Centralnoj izbornoj komisiji na dalje postupanje.

## **10. Saradnja sa tijelima lokalne vlasti, političkim subjektima i medijima**

Kao i ranijih godina ostvarena je dobra saradnja sa svim tijelima vlasti na lokalnom nivou od kojih je data podrška na obavljanju poslova i aktivnosti koje je obavljao OIK u ovom izvještajnom periodu. Istovremeno OIK je ostvario dobre kontakte sa svim političkim

subjektima, kao i sa lokalnim medijima, odnosno sa RTV Maglaj, a plod takve saradnje su u skladu sa zakonskim propisima provedeni izbori u osnovnoj izbornoj jedinici 042A Maglaj.

## 11. Edukacija i usavršavanje

Programom rada OIK-a za 2016. godinu, predviđena je bila obavezna obuka i dodatno usavršavanje predsjednika i članova OIK-a i svih drugih lica vezanih za nesmetano odvijanje izbornog procesa, kao i unapređenje rada i edukacija djelatnika Centra za birački spisak Općine Maglaj. U posmatranom periodu su u organizaciji Centralne izborne komisije BiH održane ukupno tri edukacije, i to u Derventi (juni 2016. godine), Doboju (avgust 2016. godine) i Sarajevo (septembar 2016. godine).

Predsjednik, odnosno članovi OIK-a, sljedeći zakonsku obavezu, prisustvovali su svim navedenim edukacijama, s tim da smatramo bitnim istaknuti da su ličnim sredstvima finansirali odlazak na navedene edukacije, osim edukacije u Sarajevu.

## III FINANSIJSKI RASHODI ZA 2016. GODINU

Kao što je već isticano i u Izvještaju o radu OIK-a za 2015. godinu, u mjesecu avgustu 2015. godine od strane Centralne izborne komisije BiH dostavljeni su akti, kojim se od izbornih komisija traži planiranje sredstava za provođenje Lokalnih izbora u BiH 2016. godine, odnosno donošenje finansijskog plana koji su iste dužne uputiti općinskim vijećima da se projicirana novčana sredstva obezbijede u općinskim budžetima za 2016. godinu, tako da je od strane OIK-a početkom mjeseca septembra 2015. godine po specifikaciji i uputama Centralne izborne komisije BiH sačinjen i obrazložen Finansijski plan za 2016. godinu, te je isti u prilogu obrazloženog budžetskog zahtjeva i dostavljen nadležnoj službi, kao i Centralnoj izbornoj komisiji BiH.

Općinsko vijeće Maglaj na svojoj sjednici održanoj 29.12.2015. godine utvrdilo je Budžet Općine Maglaj za 2016. godinu, kojim su za finansiranje rada OIK-a u 2016. godini planirana novčana sredstva u iznosu od 30.000,00 KM, što je za 24.650,00 KM manje od iznosa predviđenog Finansijskim planom za 2016. godinu, o čemu je, po zahtjevu iste, i izvještavana Centralna izborna komisija BiH, a koja je u više navrata i tokom 2016. godine urgirala na iznalaženju načina za obezbjeđenje nedostajućih novčanih sredstava za nesmetano provođenje izbornog procesa tokom 2016. godine.

Imajući u vidu navedeno, a to da planirana novčana sredstva u iznosu od 54.650,00 KM vjerovatno u zakonskom roku neće biti obezbijedena, OIK se tokom izvještajnog perioda krajnje domaćinski ponašao, s ciljem da se Lokalni izbori u BiH 2016. godine na području osnovne izborne jedinice 042A Maglaj provedu samo uz minimum nužnih troškova, a što se najbolje može vidjeti iz tabele uporednih podataka planiranih i ostvarenih rashoda u 2016. godini.

R.br	Opis rashoda	Planirani rashod u KM	Ostvareni rashod u KM
1.	Naknade za rad OIK (bruto)	7500,00	6.678,18
2.	Naknada za rad Sekretara OIK (bruto)	-	1.595,34
3.	Dnevnice za prisustvovanje obavezanim edukacijama koje organizuje Centralna izborna komisija BiH	495,00	-
4.	Troškovi skladištenja izbornog materijala	200,00	-
5.	Nabavka neophodne opreme i kancelarijskog materijala	500,00	181,25



6.	Naknade predsjednicima, članovima i zamjenicima predsjednika i članova biračkih odbora (Bruto)	37.300,00	29.909,33
7.	Troškovi toplog obroka za biračke odbore	1.500,00	-
8.	Troškovi goriva za potrebe predsjednika biračkih odbora	535,00	-
9.	Uređivanje biračkih mjesta	200,00	-
10.	Zakup poslovnih prostora za lokacije biračkih mjesta	730,00	600,00
11.	Zakup prostora za održavanje obuke	300,00	-
12.	Troškovi informisanja	300,00	322,00
13.	Naknada povremeno angažovanim izvršiocima (bruto)	3.500,00	1.913,11
14.	Nepredviđeni troškovi u visini od 3% od ukupno planiranih sredstava	1.590,00	-
	<b>UKUPNO</b>	<b>54.650,00</b>	<b>41.199,21</b>

*NAPOMENA: U okviru ostvarenih rashoda nije uobziren novčani iznos koji će se platiti bankama na ime bankarske provizije za do sada nerealizovane platne transakcije.*

### Objasnenje ostvarenih rashoda po stavkama

#### - Naknade za rad OIK (bruto)

Shodno Odluci Općinskog vijeća Maglaj mjesečna naknada za rad predsjednika i članova OIK-a iznosila je mjesečni neto iznos od 70,00 KM u neizbornom, te u izbornom periodu iznos od 230,00 KM. Izborni period u toku 2016. godine je trajao u periodu maj-oktobar. Prilikom prikazivanja rashoda za ovu namjenu uobziren je i iznos novčanih sredstava koji se plaća na ime poreza i doprinosa po važećoj zakonskoj stopi. Takođe, napominjemo da naknada predsjedniku i članovima OIK-a isplaćivana u iznosima manjim od iznosa kako je to predviđeno zakonskim propisima.

#### - Naknada za rad Sekretara OIK-a (bruto)

Shodno Odluci Općinskog vijeća Maglaj iz mjeseca maja 2016. godine imenovan je Sekretar OIK-a, sa utvrđenom naknadom u visini iznosa naknade za rad predsjednika i članova OIK-a, a koja se istom počela isplaćivati počev od mjeseca juna 2016. godine. Slijedom toga, kako je OIK-u isplaćivana u iznosima manjim od iznosa kako je to predviđeno zakonskim propisima, to je ista i sekretaru OIK-a ista isplaćivana u manjem iznosu. Prilikom prikazivanja rashoda za ovu namjenu uobziren je i iznos novčanih sredstava koji se plaća na ime poreza i doprinosa po važećoj zakonskoj stopi.

#### - Nabavka neophodne opreme i kancelarijskog materijala

Za rad OIK-a u toku 2016. kao izborne godine, usljed intenzivnijih aktivnosti u odnosu na neizbornu godinu, za nabavku neophodne opreme i kancelarijskog materijala (papir, toneri i dr. kancelarijski materijal) utrošena su novčana sredstva u iznosu od 181,25 KM.

#### - Naknade predsjednicima, članovima i biračkih odbora i njihovim zamjenicima (Bruto)

Prilikom provođenja Lokalnih izbora u BiH 2016. godine broj redovnih biračkih mjesta u osnovnoj izbornoj jedinici 042A Maglaj je iznosio 31 redovno biračko mjesto i jedan mobilni tim za glasanje birača vezanih za dom ili sa posebnim potrebama, što za sebe veže ukupno 32. predsjednika i 32. zamjenika predsjednika biračkih odbora, odnosno mobilnog tima. Zatim, slijedom toga 31 redovno biračko mjesto (30 BM sa po 4 člana i 1 BM sa 2 člana) i jedan mobilni tim (2 člana) za sebe vežu ukupno 124. člana, te isti toliki broj i njihovih zamjenika, odnosno ukupno 248 članova i zamjenika članova biračkih odbora, odnosno mobilnog tima.

Naknada za predsjednike biračkih odbora prilikom provođenja Općih izbora u BiH 2014. godine iznosila je neto novčani iznos 100,00 KM, za zamjenike predsjednika biračkih odbora iznosila je neto novčani iznos 70,00 KM, za članove biračkih odbora neto novčani iznos 80,00 KM, te za zamjenike članova neto novčani iznos od 50,00 KM.

Prema preporuci Centralne izborne komisije BiH broj: 06-1-16-583-1/15 od 13.08.2015. godine, te preporuci broj: 06-1-07-586-1/15 od 14.08.2015. godine potrebno je bilo planirati i utvrditi veći iznos novčanih sredstava po ovom osnovu u odnosu na 2014. godinu, shodno tome OIK je dana 23.09.2016. godine na ime neto naknade za rad biračkih odbora utvrdio neto novčane iznose, kako slijedi:

a) REDOVNA BIRAČKA MJESTA

1. predsjednik biračkog odbora ..... 120,00 KM,
2. zamjenik predsjednika biračkog odbora koji je angažovan ..... 80,00 KM,
3. član biračkog odbora na redovnom biračkom mjestu ..... 90,00 KM,
4. zamjenik člana biračkog odbora koji je angažovan ..... 60,00 KM.

b) MOBILNI TIM

1. predsjednik mobilnog tima ..... 80,00 KM,
2. član mobilnog tima ..... 60,00 KM,
3. zamjenik predsjednika/ člana mobilnog tima koji je angažovan ..... 40,00 KM.

Bitno je napomenuti i to da OIK nije izvršio obračun naknada za određen broj lica koja su imenovana u biračke odbore, ali nisu učestvovala u radu biračkog odbora na dan izbora. Prilikom prikazivanja ukupno ostvarenih rashoda za ovu namjenu uobziren je i iznos novčanih sredstava koji se ima platiti na ime poreza i doprinosa po važećoj zakonskoj stopi.

- Zakup poslovnih prostora za lokacije biračkih mjesta

Obzirom da ne postoje adekvatni prostori u državnom vlasništvu, to se za biračka mjesta na Omerdinom Polju, Starom Gradu, Kopicama (2 biračka mjesta) i Strupini, plaća i zakup prostora koji omogućavaju nesmetano odvijanje izbornog procesa. Visina zakupnine za tri dana korištenja navedenih prostora je iznosila po 120,00 KM. Bitno je istaći da se radi o lokacijama pogodnim za održavanje izbornog procesa u navedenim naseljima, te da je postojala realna mogućnost da vlasnici prostora zatraže i veći iznos zakupnine, ili da uopće ne izdaju predmetne prostore, a to iz razloga kašnjenja u plaćanju zakupnina u prethodnim periodima.

- Troškovi informisanja

Ove troškove je OIK je ostvario na temelju zakonske obaveze, koja podrazumijeva izradu proglasa i objava istih preko medija (mjesto i vrijeme izlaganja Izvoda iz privremenog biračkog spiska u naseljenim mjestima, poziv predsjednicima MZ za evidentiranje birača vezanih za dom, te sve druge zakonom propisane objave...), te su navedene objave fakturisane od strane RTV doo Maglaj, po njihovom cjenovniku.

- Naknada povremeno angažovanim izvršiocima (bruto)

U svom radu OIK, kao i ranijih godina, pored djelatnika Centra za birački spisak, angažovao je određeni broj lica uglavnom iz općinske administracije da u toku, ali i izvan radnog vremena i neradnim danima, obavljaju poslove, kako slijedi:

- distribucije osjetljivog i neosjetljivog izbornog materijala na biračka mjesta i nazad,
- administrativno-tehničke poslove,
- praćenja i provjere odvijanja izbornog procesa i dostavljanja izvještaja sa biračkih mjesta OIK-u, odnosno Centru za birački spisak,
- unosa i sumiranja izbornih rezultata,

- transporta izbornog materijala u skladište Centralne izborne komisije BiH u Sarajevu,
- instaliranja i prilagođavanja opreme i softvera vršenje tehničkog nadzora nad istim, kao i kontrole unosa izbornih rezultata,
- obračuna i isplate naknada OIK-u, biračkim odborima, angažovanim licima, zakupnina vlasnicima prostora u kojim se nalaze biračka mjesta i dr..
- kao ostale zakonom propisane neophodne aktivnosti za nesmetano odvijanje izbornog procesa.

Visina naknade za rad ovih lica iznosila je zavisno od vrste i vremena angažmana, kao i stepena odgovornosti istih, te je ista u najvećem broju slučajeva, kao i prethodnih godina, utvrđena u neto novčanom iznosu naknade za rad člana biračkog odbora na redovnom biračkom mjestu. Prilikom prikazivanja ukupno ostvarenog rashoda za ovu namjenu uobziren je i iznos novčanih sredstava koji se plaća na ime poreza i doprinosa po važećoj zakonskoj stopi.

.....

U vezi sa prednje navedenim po svim stavkama ostvarenih rashoda, OIK smatra bitnim istaknuti da je odredbom člana 1.2a stav 3. Izbornog zakona BiH propisano da se u budžetu općine osiguravaju sredstva za vršenje ovlaštenja općinskih izbornih komisija, zatim sredstva za naknade općinskih izbornih komisija, te biračkih odbora, kao i da je odredbom stav 5. istog člana propisano da navedenim sredstvima u okviru odobrenog budžeta samostalno raspolaze općinska izborna komisija i da je ista ovlaštena odrediti način korištenja sredstava i provoditi nadzor nad njihovom raspodjelom i korištenjem, dok u odredbi stava 6. citiranog člana stoji da se navedena novčana sredstva moraju osigurati u roku od 15 dana od dana donošenja odluke o raspisivanju izbora.

Ipak, imajući u vidu činjenicu da planirana novčana sredstva, usljed nedostatka istih, neće u roku i punom iznosu biti transferirana na transakcijski račun OIK-a, to je sljedeći svoju praksu iz prethodnih godina, a u cilju transparentnosti trošenja, OIK i tokom ove izvještajne godine, Općinskom načelniku i nadležnoj općinskoj službi, sukcesivno podnosio obrazložene pismene zahtjeve na prethodno odobrenje za svaki pojedinačni transfer novčanih sredstava, sa svom potrebnom dokumentacijom koja potkrepljuje namjenu trošenja istih, tako da su se sve novčane transakcije tokom čitave izvještajne godine obavljale uz saglasnost Općinskog načelnika i nadležne općinske službe.

## IV OSTALO

### 1. Statistički podaci izbora

Na području osnovne izborne jedinice 042A Maglaj za učešće na Lokalnim izborima u BiH 2016. godine ukupno je ovjereno 8 političkih subjekata, što je za 2 politička subjekta manje u odnosu na Lokalne izbore u BiH 2012. godine, te ukupno 2 kandidata za općinskog načelnika, što je za jednog kandidata manje u odnosu na Lokalne izbore u BiH 2012. godine

Dalje, ukupni broj birača upisanih u Centralni birački spisak za osnovnu izbornu jedinicu 042A Maglaj za Lokalne izbore u BiH 2016. godine iznosio je 20.361 birač, te se iz navedenog podatka može konstatovati da je u odnosu na Opće izbore u BiH 2014. godine broj birača upisanih u Centralni birački spisak na području osnovne izborne jedinice 042A Maglaj porastao za 289 birača, te u odnosu za Lokalne izbore u BiH 2012. godine za 699 birača.

Na Lokalnim izborima u BiH 2016. godine u osnovnoj izbornoj jedinici 042A Maglaj ostvarena je izlaznost od 53,74%, što je za 0,48 % manje u odnosu na Lokalne izbore 2012. godine kada je izlaznost bila 54,22%.

## **2. Sastav OIK-a**

a) OIK naglašava da tokom 2017. godine jednom članu OIK-a ističe sedmogodišnji mandat, te postoji potreba da nadležni organi pravovremeno pokrenu postupak izbora i imenovanja nedostajućeg člana.

b) Dalje, OIK ističe slijedeće činjenice, a to da je prema zvaničnim podacima Centralne izborne komisije BiH u Centralni birački spisak u osnovnoj izbornoj jedinici 042A Maglaj upisan ukupno 20.361 birač, da površina općine Maglaj obuhvata područje od 252 km<sup>2</sup> (površina je trenutno veća od preko 30% općina čije izborne komisije imaju po 5 članova), zatim da je u osnovnoj izbornoj jedinici 042A Maglaj prilikom održavanja Lokalnih izbora u BiH 2016. godine utvrđeno ukupno 31 redovno biračko mjesto, te jedan mobilni tim, a koja biračka mjesta su u velikoj mjeri razučena po cijelom području općine.

OIK ističe da je odredbom člana 5. stav 1. Uputstva o utvrđivanju kvalifikacija, broja i imenovanju i obuci članova izborne komisije osnovne izborne jedinice u BiH („Službeni glasnik BiH“, broj: 06/16 i 13/16) propisano da broj članova izborne komisije utvrđuje Centralna izborna komisija BiH prema broju birača upisanih u izvodu iz Centralnog biračkog spiska i veličini općine, dok je stavom 3. istog člana propisano da se izborna komisija sastoji od 5 članova za općine i gradove u kojima je u izvodu iz Centralnog biračkog spiska upisano više od 20.000 a manje od 50.000 birača.

Iz navedenih činjenica i citirane zakonske odredbe nesporno proizlazi da su tokom 2016. godine kumulativno ispunjeni zakonski uslovi, (broj registrovanih birača, površina općine, broj biračkih mjesta i razučenost biračkih mjesta) tako da sugerišemo da Općinsko vijeće Maglaj, ukoliko to smatra opravdanim, shodno odredbi člana 6. stav 2. navedenog Uputstva pokrene proceduru povećanja broja članova OIK-a sa 3 člana na 5 članova, odnosno da Centralna izborna komisija BiH ex officio pokrene predmetnu proceduru.

## **3. Naknada OIK-u**

Sa danom 01.05.2016. godine na snagu su stupile odredbe nove Odluke o visini naknada za rad članova izborne komisije osnovne izborne jedinice u BiH („Službeni glasnik BiH“, broj: 32/16), kojim je propisana znatno veća naknada članovima OIK-a u odnosu na do sada utvrđenu i isplaćivanu.

Naime, na svojoj 34. redovnoj sjednici održanoj 05.05.2016. godine Općinsko vijeće Maglaj suprotno odredbama navedene odluke Centralne izborne komisije BiH donijelo je svoju Odluku kojim se mjesečna naknada za rad OIK-a u neizbornom periodu utvrđuje u iznosu od po 70,00 KM, dok u izbornom periodu ista iznosi po 230,00 KM.

.....

Imajući u vidu prednje istaknuto, više nego očigledno je da je članovima OIK-a u prethodnom periodu utvrđena i isplaćivana naknada u znatno manjem novčanom iznosu suprotno odredbama Odluke o visini naknada za rad članova izborne komisije osnovne izborne jedinice u BiH, te u vezi sa navedenim OIK predlaže da Općinsko vijeće Maglaj uskladi svoju odluku

sa navedenim zakonskim propisom, pri tome imajući u vidu odredbe člana 13. stav (3) i člana 15. stav (3) Zakona o principima lokalne samouprave („Službene novine FBiH“, broj: 49/06 i 51/09), odnosno odredbe člana 18. stav (2) i člana 42. stav (3) Statuta Općine Maglaj („Službene novine Općine Maglaj“, broj: 8/07, 3/08 i 6/08).

#### 4. Način rada i izvještavanje

Odredbom člana 3. Uputstva o načinu rada i izvještavanju izborne komisije osnovne izborne jedinice u BiH od 26.05.2016. godine, donesenog od strane Centralne izborne komisije BiH, propisano da su općinske izborne komisije obavezne donijeti svoj Poslovnik o radu, a što je od strane OIK-a i učinjeno krajem mjeseca juna 2016. godine.

Navedenim Poslovnikom, u skladu sa zakonom i drugim propisima, uređena je organizacija, način rada, javnost i druga pitanja od značaja za rad OIK-a, te je u izvještajnom periodu OIK i postupao po istom.

Dalje, odredbom člana 2.9. Izbornog zakona BiH propisana je isključiva nadležnost Centralne izborne komisije BiH da koordinira, nadgleda i reguliše zakonitost rada svih izbornih komisija osnovnih izbornih jedinica u BiH, te je odredbom člana 5. Uputstva o načinu rada i izvještavanju izborne komisije osnovne izborne jedinice u BiH propisano da je izborna komisija do 31.01. tekuće godine obavezna Centralnoj izbornoj komisiji BiH dostaviti svoj izvještaj o radu za prethodnu godinu, tako da su u mjesecu decembru 2016. godine provedene aktivnosti na pripremi i sačinjavanju predmetnog izvještaja.

Iako obaveza dostave Izvještaja o radu OIK-a nije eksplicitno propisana odredbama Izbornog zakona BiH, zatim Statuta Općine Maglaj, niti odredbama prečišćenog teksta Poslovnika o radu Općinskog vijeća Maglaj („Službene novine Općine Maglaj“, broj: 2/13), kao ni bilo kojim drugim propisom na lokalnom nivou, uz uvažavanje činjenice da se sredstva za vršenje zakonskih ovlaštenja i sredstva za naknade za rad OIK-a obezbjeđuju iz općinskog budžeta, kao i prethodnih godina, svoj Izvještaj o radu za 2016. godinu OIK će zajedno sa Programom rada za 2017. godinu dostaviti Općinskom vijeću Maglaj.

U Maglaju, 09.01.2017. godine



**OPĆINSKA IZBORNA KOMISIJA**  
**PREDSJEDNIK**  
Mustabašić Elmir, dipl. pravnik